

Tratadonan na Venezuela y Colombia practicamente cla **Aruba y Merca ta bay combati droga hunto**

ORANJESTAD(AAN)— Na Juni lo firma un tratado cu Venezuela. E tratado cu Colombia ta practicamente cla. Merca ta sumamente positivo enfrente un plan pa cooperacion cu Aruba, pa asina conhuntamente combati droga.

"Droga ta e problema mas grandi." Esaki ta e mensahe cu e delegacion Arubano, encabeza pa e Director di Asuntonan di Exterior di Aruba señor

Tico Crôes, a transmiti na Merca.

E delegacion a bay atende un cantidad di asunto cu Merca, pero central tabata e preocupacion enorme pa combati droga.

A worde mustra na Merca cu Aruba internamente por atende e problema di droga, pero cu mester di cooperacion di Merca y otro paisnan pa yega na un plan mas vasto.

Pesey den cooperacion cu otro paisnan, Aruba kier yega na un combatiemento dirigi di droga na tur frontera.

Un punto cu a worde treci dilanti atrobe na Merca ta empleo di Marina Mericano pa combati droga. Esaki no kier meen cu Marina Mericano ta bay opera den awanan territorial di Aruba, pero si cu nan ta haci uso di nan equipo pa yuda tene trafico

cantenan di droga leo for di Aruba.

Mientras Aruba a haci e apelacion aki na Merca, na Merca discusion ta anda encuanto e hecho cu solamente por usa arma contra paisnan enemigo.

Pero a mustra na Merca cu droga a bay ocupa e lugar di enemigo y a bira e problema mas grandi cu mundo conoce.

Un programa pa cooperacion ta worde prepara

y aparentemente Merca ta para sumamente positivo enfrente e plannan aki.

E programa lo ta uno sumamente comprensivo y lo mester sigui discutie pa asina ariba termino corto yega na un acuerdo, manera a worde mustra.

Mientrastanto ta bay firma acuerdonan cu Venezuela y Colombia pa asina Aruba sigui proteha su mes contra e enemigo number uno, droga.

Descubrimiento importante na Merca

Container cu droga a pasa Aruba

ORANJESTAD(AAN)— Un container, cu via Aruba tambe a viaha pa Merca, ta contene un lote enorme di droga, segun autoridad na Merca a descubri. Investigacionnan ta worde haci na Aruba, Merca y Curacao.

E storia a haya su raiz ora na Merca autoridadnan a presta atencion na un container cu a yega supuestamente bashi for di Curacao.

E container a keda tres siman na e mes sitio y un que otro a causa curiosidad di autoridad na Merca, cu a dicidi di bay tira un bon vista ariba e situacion.

Nan a bore na diferente lugar y pa nan sorpresa a bin descubri un cantidad grandi di droga cu tabata scondi.

Inmediatamente a cu-

minza investiga e ruta cu a worde cubri pa e container y a resulta cu el a sali for di Colombia pa bini Aruba.

E container tabata yena cu mercancia na e punto cu el a yega Aruba, pero no a worde descarga na

Aruba pero na Curacao. Despues e container bashi a sigui pa Merca.

E caso awor ta bao profundo investigacion. Aparentemente ya a sali na cla cu Aruba mester a ricibi un container cu e mes tipo di mercancia, cu

a worde descarga na Curacao.

Pero ora a atende e carga na Aruba, Douane no a nota nada straño. Investigacion awor mester proba kico a socede cu e container y con e droga a worde scondi a bordo.

Autoridad a keda den estado di alerta

Yiu di miembro di banda a yega Aruba

ORANJESTAD(AAN)— Mientras ya un cantidad di persona ta deteni, ainda autoridad ta den estado di alerta. No solamente ta mantene vigilancia estricto na tur entrada, pero tambe autoridad ta keda cla pa actua na cualquier momento, mientras investigacion ta continua.

Mientras Aruba ta sigui desaroyonan entorno e supuesto banda cu a worde deteni, antayera a yega Aruba yiu di un di personanan deteni.

Su pasonan lo ta worde sigui di acerca pa autoridad, cu tabata presente aparentemente na aeropuerto na su yegada.


Autoridad ta mantene vita fijo ariba tur loke drenta Aruba. Asina pertenencia di esnan cu ta bini di bishita tambe ta wor-

de bon revisa pa evita cu ta drenta cu cualquier cos cu ta ilegal. Tanto na aeropuerto como na waf ta percura revisa tur loke drenta, mientras companianan di seguridad tambe ta keda alerto na e situacion caminda nan ta traha.

Aparentemente ainda tin mas hende pa worde deteni. Informantenan a indica cu no mester descarta e posibilidad cu lo bay detene Arubianonan tambe na cierto momento mientras e investigacion avanza.

Polis mes ta keda cauteloso, cu den e caso aki ta significa hermeticamente cera pa noticia, for di momento cu antayera Comisario Peterson a duna un splicacion breve di loke ta tuma lugar.

Proyecto Paradise Beach Village



ORANJESTAD(AAN) — Diarazon mainta e grupo di Arubananan dinamico cu a lanza e compania local "Sunny Isle Real Estate Dev. Corp", a presenta na su excelencia Minister Drs. Frank Booi, nan proyecto "Paradise Beach Villas", cual proyecto lo worde construi na Eagle Beach den vecindario di e futuro proyecto di Radisson Plaza

Hotel.

Sunny Isle ta actualmente envolvi den dos proyecto local La Quinta Beach Resort y Sunset Villas. Paradise Beach Villas lo ta bay ta un proyecto di maximo lujo y comfort cu un ambiente cu lo pas cu su number, es decir un ambiente di paraiso, cu lo worde crea door di landscaping exotico.

Tambe lo tin dos swim-

mingpool, un healthcenter di calidad, varios restaurant y pa destaca mas den mercado un seleccion di camber amplio di one, two y three bedroom townhouse suites. Minister Booi tabatin palabranan bunita di elogio pa e trabao cu e grupo local aki a realiza.

Construcion ta proyecta pa cuminsa den e lunanan venidero.